

Mike Eman Man Of The Year 2003



Despues di un siman di deliberacion den reunionnan di e staf di redaccion di DIARIO, e voto unanime a cay pa Mr. Mike Eman, e lider actual di AVP. Hopi ta e factoman cu ta respalda e escogencia aki:

Su introduccion di un nota na Hulanda cu a habri caminda pa UPG keda como un alternativa real pa Aruba. Cu hopi curashi, insistencia y constancia, Mike y su ekipo a sa di convence Hulanda y otro paisnan di Europa di e importancia di e status aki pa Aruba, mantenendo portanan habri pa un eventual status nobo liga na Europa.

Su maduracion como politico den un aña turbulento. El a bin ta transforma su mes di un novato cu a lucha durante dos aña consecutivo y sin descanso te ser elegi como e lider indiscutible di AVP den un proceso democratico. El a absorbe criticanan sin bira personal, el a debati cu e mihoman den e arena publico, mantenendo su idealnan pa un Aruba di paz y convivencia.

Como vocero di AVP, djey lider, el a lucha pa e menos afortunadonan, especialmente esnan cu a perde nan trabao pa motibonan politico, convirtiendo su mes den e defensor di esnan cu tabata tin mester di apoyo politico pa purba scapa nan trabao di hopi aña.

Su constante interes pa e bienestar di Aruba, cu el a manifesta den tur ocasion, tratando di introduci un era nobo den politica, y un estilo di discuti topiconan y no personalidadnan. E ta un trayecto hopi largo cu el a inicia y tin tur e intencion di sigui desaroya te ora e enfoko nobo di politica bay di lo personal pa lo tematico.

El a sa di habilmente desliga su mes di cualke gobierno anterior, pa cual realmente e no ta carga responsabilidad, y ni maske cuanto su rivalnan a purba colga e etiketa di "consehero" riba su nek, el a triunfa demostrando cu e ta su propio guia, cu e tin su propio opinionnan y cu e plan di Gobierno cu e tin den mente ta uno completamente innovativo y cu ta pas cu e Aruba actual y di futuro.

Pa tur e motibonan aki, ademas di ta e persona cu tabata mas den noticia henter aña den su luchanan pa defende esnan cu no por a defende nan mes, e staf di redaccion di DIARIO ta nombra MAN OF THE YEAR pa 2003.

DIARIO ta manda su caluroso pabien na Mr. Mike Eman cu e titulo bon mereci di Man of the Year 2003!

Trudy Hassel Woman Of The Year 2003

E escogencia pa loke ta trata e Woman of the Year 2003 tabata facil, ya cu un persona a destaca enormemente den su ramo pa crea ordo y estabilidad na Aruba.

Pa escoge e Woman of the Year e aña aki, a mira rond pa determina cua ta nos problemanan den comunidad, y ademas ken a haci algo pa elimina, te unda cu ta posible, e problema ey.

Aruba pa basta tempo ta sufriendo di criminalidad pa motibo di un cantidad di stranhero ilegal cu ta move riba e isla, y tambe ta drenta Aruba den forma clandestino via laman.

Peseu mes a escoge di biaha e Comisario Femenino di Polis, di Distrito Tres di Cuerpo Policial, y ademas, Hefe di "Warda Nos Costa" como Woman of the Year 2003.

E trabao cu el a haci cu sosten di Ministro di Husticia, Rudy Croes, Man of the Year 2002, resto di Gobierno y tambe cu e ayudo di su demas coleganan den "Warda Nos Costa" y henter Cuerpo policial, a pone un stempel den comunidad.

Naturalmente cu e tipo di trabao ey no ta ser aprecia semper pa tur hende cu di un of otro manera a ser afecta, pero e limpieza cu nan a haci riba loke ta ilegalnan stranhero ta muestra cu Trudy Hassel, como ser femenino na cabez, ta e candidato maximo pa Woman of the Year 2003.

DIARIO ta manda un pabien caluroso na Comissrio Trudy Hassel, Warda Nos Costa y Cuerpo Policial, deseando nan tur cos bon y hopi forza pa continua e magnifico trabao na aña 2004.



WHOPPER® MANIA

Cu cada compra di un WHOPPER® of cualkier value meal ricibi un stempel. Cada carhi completamente yena cu stempel, por participa den nos "Xtreme End of year campaign". Mas carhi bo yena mas oportunidad bo tin pa gana!

Sorteo lo tuma lugar dia 16 di Januari 2004 pa 3'or di atardi na BURGER KING®.

Premionan: 1st Nokia 3250 Cellular, 2nd Bicicleta Xtreme, 3rd Roller blade Xtreme. Por favor entrega bo carhinan prome cu 7 di Januari 2004 na BURGER KING®.



THE FIRE'S READY®
Tel: 583 5398

Fabrica di Colehon *Where Your Dreams Come True!* **Confort**
Barcadera 5C Tel: 585 5344 Fax: 585 5459

Antes Baroud Enterprises
Oferta Special
No perde oportunidad pa cambia bo colchon pa un Nobo!